



# Tui tla zawngin Branch YMA thawkchhuak

## Branch News

Chanmari West, 29<sup>th</sup> September, 2013 : Ni 21.9.2013 (Inrinni) tlai dar 4:45 vela Tlawng Lui (Reiek kai) a tla hlum Tv Johny C Lalremruata s/o C Lalremsiama, (Tuikual North) ruang zawn hna chu thawh chunzawm zel a ni a, Chanmari West Branch YMA pawhin ni 27.9.2013 (Zirtawp) khan Central YMA ruahmanna siam angin tui tla zawn hna hi nilengin an thawk.

Ni 26.9.2013 (Ninga) zana Branch Executive Emergency Meeting chuan tui tla zawn hna thawh dan tur hi a ngaihtuah a, Central YMA-in min beisei anga he hna hi tihhlawhtlin ngei nise a ti a, section hrang hrangah hriattirna pein, a kal thei turte chu Ni 27.9.2013 (Zirtawp) zing dar 9:00-ah Pu Lalchhanhima, (Leader, Khuangchera Section) kawta innghakawm tur tiin, Section hrang hrang aṅanga kal hman turte inzawn a ni.

Ni 27.9.2013 hian Central YMA aṅanga ruahmannaah chuan Branch YMA 5 - Chanmari West, Chanmari, Vaivakawn, Edenthar leh Huntharte thawk ho tura tih a ni. Kan Branch aṅangin mi 50 vel thawk chhuak thei tura beisei kan nih laiin mi tlawmngai 32 te, motor 4 leh 2-wheeler engemawzat nen an thawk chhuak a, tlawmngaia thawk chhuak te leh lirthei thawhchhuhapuitu te chungah

Branch YMA chuan lawmthu a sawi tak meuh a ni. Section hrang hrangte thawhchhuah dan chu heti ang hi a ni.

Chawngbawla	-	10
Vanapa	-	9
Taitesena	-	6
Neuva	-	4
Khuangchera	-	3

Johny C Lalremruata ruang zawn hna hi ngawrh takin mi tlawmngaite leh pawl hrang hrangin an thawk mek reng a, Sihhmui leh Sairang lamah pawh ngaihven reng a ni a, lawngleng hmangin luikam vel thlithlai a ni a, tui lut thiamin a remchanglai apiang an dap baw a, a nawlpui chuan tih theih a tlem hle.

Ruang zawngtute hman atan hian ṅanpuina a lut reng a, pawl hrang hrang aṅangin sum leh pai ṅhahnem tak hmuh a ni tawh a, kan Branch YMA Treasurer, Pu R Lalhmachhuana chuan ruang zawn ni hian ṅanpuina ₹ 2000 a hlan.

□ Tv Johny Lalremruata, Tuikual North Tlawnglui Reiek kaia tla zawnnaah Central YMA-in Sihhmui kaia duty tura min ngen angin ni 27.9.2013 (Zirtawp) khan member 32 hnatlanga duty a ni. Branch Relief Fund atangin ₹ 2000/- ṅanpuina hlan a ni baw.

□ Branch Fin.Secy. Pu Lalrinliana khawthlang zin pawh dam takin a lo haw leh ta.

□ 68<sup>th</sup> YMA General Conference - 2013 Khawbunga October ni 15-17 chhunga neih turah Lemchan leh Branch Zaipawl ṅha tak neih tuma hmalak mek a ni.

□ Karleh hun remchangah Branch Executive meeting koh tum a ni.

□ Veng chhunga chhiat tawkte Branch YMA chuan a tawrhpuir tak zeta, chutih rual chuan chhiat tawha tlawmngaih chhuahna kawngah YMA member-te tun aia tan la lehzual turin a ngen baw.

### CONFERENCE - 2013 KALDUHTAN

Kum 2013 YMA General Conference October ni 15 - 17 chhunga Khawbunga neih tura Chanmari West Branch YMA member kal duh turte chuan September thla ral hmain Branch Secretary Tv Zairemmawia emaw mahni awmna Section Secretary hnenah hming pek luh tur a ni e.

### AWM THAR

Tv Lalmawizuala te unau member 2, Lengpui atangin Pu A Biaklawma in T-Sect.ah.

### LAWMTHU SAWINA

Dt. 20.9.2013. (Zirtawp) chawhmaa kan in luah lai chim, khaw chhe hnuai tlawmngai taka min buaipuite khawthlang mipuite leh Local Council leh Y.M.A. tlawmngaihna leh ṅhatnate lawmthu sawi mai loh chu hlan tur che u kan nei lo va. Kan chungah in ṅhatna hi Pathianin a let tam takin rul che u rawh se.

In khawngaihna dawngtu, Ralkhama (Tawitea) te chhung Taitesena Section

### CHANMARI WEST FC SUPPORTER

Chanmari West FC Supporters ni duh chuan a hnuai amite hnenah hian member-ah a inpek theih e.

- 1) Elar Enterprise (Kawipui)
- 2) Pu R Lalsangzuala (T-sect)
- 3) Pu Lalliansanga (Malala, K-sect)

Membership fee hi ₹ 50 chauh a ni a, Supporter T-shirt pawh ₹ 400 in a lei theih tawh baw e.



### TUNKAR CHANGVAWN

I hnate chu Lalpa kawltir rawh, Tichuan i thil ruahmante chu tihnghehin a awm ang. Lalpa'n thil zawng zawng hi chhan neiin a siam a. A ni tak e, mi suaksualte pawh ni tha lo atan. Thufingte 16 : 3,4

**Editorial Board**

<b>Editor:</b>	RLalringheta	9862358337
<b>Joint Editor :</b>	Lalchhandama	9862358347
	JLalnangliana	9862399658
<b>News Editor :</b>	Thangkuma	9862303135
	Lalchuanmawia	9862580558
	KLalremtuanga	9862119608
<b>Cir.Manager :</b>	Jacob Lalrinsanga	9612319779
<b>Production Manager :</b>		
	RL Thanhnu	9436152760

**Branch Office Bearer**

<b>President</b>	C Lalarliana	9436142049
<b>Vice President</b>	K Darthantluanga	9436196071
<b>Secretary</b>	Zairemmawia	9862385654
<b>Asst. Secretary</b>	RL Thanhnu	9436152760
<b>Treasurer</b>	R. Lalhmachhuana	9436151817
<b>Fin.Secretary</b>	Lalrinliana	9862581814
<b>Adviser-te :</b>	Pu F Zosanga	9436142106
	Pu A Biaklawma	9436363169
	Pu Lalrengpuia Sailo	9862075614

**Editorial :**

Khuangchawi Thla kan lo chuangkai dawn ta reng mai, rilru thar nen; khaw hawi i thlak hret teh ang. Veng chhunga chhiatni/thatni a lo thlen chunga kan insawng bawl dan leh harsatna kan tawh thin hi a sutkian dan kawng ngaihtuah tlang teh ang u.

Kan hriat theuh angin kan veng chu kham panga awm kan ni a, kan in leh loin a zir lo, hmun rem lo tak takah kan inbengbel a, chhungtinin chhiat/that kan taw lo thei si lo. Hetiang nikhuua min hmangaihtu thenrual tha, kan ina lo chuangkai thinte hi an va rethei em! Kawtkaiha, rem lo zetin, zunin leh vawkin bul velah, ni sensa hnuaiha mitthi an rawn vui liam ve hram thin chu a nih hi. Thatna lamah nise, ruai buatsaih tumna rilruin min kiansan thei rih si lova, rem leh rem lovin, thenawmte in nen thleng kan ham berh a ngai a, rem lo zetin ruai chaw kan tlingtla hram thin.

Heng harsatnate umbo dan hi a awm mial lo maw? tiin ngaihtuahna kan sen a ngai. A bik takin mitthi vui (hunserh lai bik) ah hian tu in leh lo mah hian min daw lo, in leh lo nei tha apiangin thenrual an ngah ve zel a. Mahni in chhung atang khera in vui kan tum hian harsatna min siam ta a ni. YMA Hall/Kohhran Hall-ah te hian ti ta mai ila, min lainattu te chu thutna nuamsa tak, nisa leh ruah surin a tihbuai miah lovin an awm thei ang a, a rem zawk lo maw? Kan hruiute hian an rilru han seng leh deuh se, thil tha zawk leh remchang zawk, ruahmanna tha tak an siam theih ngei a rinawm.

**Article****MPL-AH CHANMARI WEST FOOTBALL CLUB**

(Kar hmasa chhunzawmna)

- Hmingthansanga, Gen. Secy., CWSC

ZONET neitu zinga miin a enkawl, Mizoram khaw tin dap chhuak chanchinbu Vanglaini lahin ngaih pawimawh berah neiin chanchinbu pheka lua chuai chuai mai bawka, Media lamah a chak miao avangin kan hriat loh hian Zoram khawvel kiltawp ber thlengin he MPL hian a al khawp mai. Khel tura kan qualify vang ringawt pawh hian Media lamah kan veng hming a lang ngun hle.

Khaw danga hun rei deuh han awm hi chuan Chanchinbua kan veng hming lang ve ringawt pawh hi nuam tak a ni. Thingtlang kuaah zin chhin teh, YMA emaw KTP emaw mimal ang pawhin zin chhuak mah teh Aizawl veng hausa leh ropui tak tak ai hian CHANMARI WEST hi a lar daih tawh zawk. Keini pheichu YMA leh Kohhran hrang hrang etc.-ah leh khawtlang anga kan thiltihna apiangah tawng mawi lo ni suh se 'a vantlang chung lam' kan ni lehngal nen.

Chhiatni thatniah veng nuam kan ni bawka si. He Zoram hian Chanmari West veng mi nih hi inchhuanna tham a ni ve tlat. Tun hmaa kan veng thalaiten mahni indah hniamna 'inferiority complex' an neih ruk thin kha tunah chuan chapo thu ni loin mi chung a lengah kan inngai ve tan ta. Mahni Veng chawilar nan, MPL khel tum hian Aizawl veng hausa leh lian Dawrpui, Ramhlun N, Electrick Veng, Chaltlang, Zarkawt, Bethlehem, Bethlehem Vengthlang etc.-te bakah Lunglei, Champhai, Khawzawl leh khawlian dangte pawhin a ruikin tan an la sauh sauh a sin.

He MPL, media lama chak tak hming hian kan veng hming hi chawisan kan tum ve a ni. Veng hming chawilar nan he MPL tluka tha hi a awm rih lo.

**KAN VENG KAN TANGRUAL EM :**

Tehreng mai, Local Council-in mamawh kan thlen apiang Pa ber chan changin ihe loin, mawi leh mawi lo pawh thlu loin min "YES" sak zel a, pangchan chintawh kan hre lo palh ang tih a hlauhawm khawp mai. Kan Branch YMA lahin MPL kan kai phatah Rs 10,000 min rawn theh chhuah ngal ringawt bawka nen, thla a muang suai suai mai. YMA Zawlbuk pawh player-te riahkhawm nan kan dil angin min phalsak

leh thlap thlap.

Branch chanchinbu, kan YMA Aw lah kumin atan Sporting club chanchinbu zawk a maw tih mai tur a ni. MHIP lam lahin thuchhuah meuhin kan T-Shirt siam vete leisak turin chhungkaw nu ber theuhte pawfen lo zen lawk turin an inchah lawk bawka. MUP-te pawh player-te huaisenna pe tura fuih phura Sermon min thlaksak turin kan la beisei bawka. Vengchung in tinah vehbur kan khawn dawn e, kan tih thawm hriain thenkhat lahin, "in lo va kal har tawh ve" min ti chhen tawh leh ngal.

Heng bakah kan bialtu MLA, kan AMC Ward Councillor leh veng chhunga nu leh paa kan neih thenkhat ten, Sing tel, a Sang telten min tanpui tawh bawka. Kan veng thalai tamtak pawh engtin emaw tala tha thawh ve chakin an phu zek zek tawh. A hminga hruiute hian tan kan lak peih phawt chuan vengchung mipui hian min tanpui hreh lo tih kan hmu.

**PLAYERS LAM TE :**

Nia, kan player-te hi he Zorama tha ber ber an ni lo, Club dangten sum tamtak tak pek an tiam a, an pek laiin keini chuan mi hnukhawiah inthlathlung takin player kan zawng a, hlawh lam chu in khel that viau chuan .... tih velten kan thlem chho ve lawp lawp a, rinna neih san a ngai hle. Kan veng player tha, MPL min inpet kaipuitute Tetea, Maruata, Buanga, Omega, Rampuia, Ruata, Ngaiha, Rinzuala etc.-te ho lah eizawmna leh zirna avangin training an zawm ve tak tak thei si lo. Inthlathlung tak chungin an rawn pha sap sap hlawm bawka si a, mi lak bang tha si kan zawng ve ngar ngar a, player discipline tha tak tak kan hmu chho ve nawlh nawlh mai. Risk lain July thla laihawl atangin Lungverh lamah coach-inspector B Lalneih sang a hnuaiha kan zu camp ve tawp mai.

Hruaituten ei leh in tur bakah Mutbu neih ang ang kan vawm khawm a, kan tlingtla ve mai. Tunah hian tunhmaa Pu Vanlalchhandama hun laia he CWSC team-a kan teammate lo ni ve thin NIS Coach C Chawngthansanga (Tanhril), kan ruai a, coach inpe zo em em, he club ama ta ang

(Phel linaah zawm a ni)

**Chawngbawla Section**

- ☐ Ni 24.9.2013 khan Pu K Lalthakima inah section committee an th̄u.
- ☐ Section Silver Jubilee an tlakfel ta.
- ☐ Pi Ramtei w/o Pu Zoramthara (section comtmember) chu Newlife Hospital-a zai chu a dam leh thuai an duhsak.
- ☐ Ni 28.9.2013 zingkar khan Faina hnatlang neih a ni a, member th̄ahnem tak leh New Horizon School naupang th̄ahnem tak an thawk chhuak a, hnatlanga thawkte chungah lawmthu an sawi.
- ☐ Ni 2.10.2013 (Nilai) hian High School Field-ah nilengin Section Sport neih tur a ni a, football leh items danga inel tur a ni a, YMA leh YMA Chhang member zawng zawngte kal theuh turin an insawm. Mahni chhun chaw ei tur (tiffin) leh tui pai tur a ni

**Khuangchera Section**

- ☐ Central Road pheia kawng chhak leimin chu a ram neitute'n an paih fai nghal a, lawmawm an tiin entawntlak an ti hle.
- ☐ Khuang vuakna th̄a tak siamsaktu Pu H Lalmuana chungah lawmthu an sawi.
- ☐ Sumtuak nana NLUP Name Plate an siam chu an zo fel ta a, hnatlanga chhuak th̄hinte chungah lawmthu an sawi.
- ☐ Zan rei hnua zu rui chungah bengchheng siam th̄hin an awm chu sim tawh turin an hriattir a, tilui an awm chuan hruaitute'n na taka action lak an tum.
- ☐ Silver Jubilee Fund khawn mek chu a ranglama mahni bial theuh khawn fel turin an inchah.

**Neuva Section**

- ☐ Tunkarah Committee koh tum a ni.
- ☐ Ni 29.9.2013 (Inrinni) zingkar khan hruaitute hnatlang neih a ni.
- ☐ Vawiin tlai hian hruaitute Duty tur a ni a, Tlai dar 3 ah Pasaltha Neuva Inah kim tur a ni.
- ☐ Silver Jubilee fund khawntu zawng zawngten a rang thei ang bera khawn fel a Tv Zairemmawia, Branch Secretary hnenah thehluh vek tur a ni.
- ☐ Vengchhungah chhiattawk an awm changin tlaivar, thlanlah leh khawhar in kalah te tlawmngaih chhuah leh zual turin an in ngen.
- ☐ Bial 7-na Mitthi buhfai khawn turin Lalramthari leh Lalhmangaihi te ruat thar an ni.

☐ YMA Conference a kal tur zawng zawngte'n Zairemmawia, Branch Secretary hnenah September thla chung hian in report vek tur a ni. Hun tiam chhunga in report lo chu, mahnia kalna in tum tur a ni ang.

**Taitesena Section**

- ☐ Ni 27.9.2013 (Zirtawp) khan ruang zawn hnatlannaah section hruaitute an kal.
- ☐ Ni 4.10.2013(zirtawp) a pasal nei tur, an hruaitu Lalthlamuanpuii thlahna hun, ni 1.10.2013(thawhle) a anmahni ina neih turah hruaitute a th̄l anga buaipui tura sawm an nih angin zing kar a tanga thawk chhuah turin an inhriattir.
- ☐ Ni 28.9.2013 (Pathianni) chawhnu inkhawm ban hian Secy te inah inhmuikhawm tur a ni a, hruaitu te kim taka kal turin an inhriattir.
- ☐ Ni 15-17 Oct hmanga Y.M.A General Conference Khawbunga neih tura kal tumte chuan Branch Secy hnenah emaw Section Secy hnenah inhriattir tur a ni.
- ☐ Pu Lalzirliana te chhungkuain an fapa hriateng nan section-in a th̄l apianga hman turin Amplifier th̄a tak an pe a, lawmthu an sawi tak meuh a ni.
- ☐ Silver Jubilee Fund pawh khawn mek a ni a, chhungtin te ngai pawimawh a turin an inngen.

**Vanapa Section**

- ☐ Ni 28.9.2013 (Inrinni) khan nilengin hruaitute Waiting Shed siamna tur hmuhma tifel te, Garrage kawngkhar siam leh Vanapa Runa bungbel remna siamin an hnatlang.
- ☐ Ni 27.9.2013(Zirtawp) a tuitla zawn nana lirthei thawhtu Pu Lalzuiliana, Pu T Lalremruata leh Pu Gordon Zosangliana te chungah leh member thawk chhuakte chungah lawmthu an sawi.
- ☐ Taitesena Sect-a leimin tuarte tanpuina bawm chu Pu H Vanlalvena inah dawh a ni a, chhungtinte mahni remchan taw pe theuh turin an inngen.
- ☐ YMA General Conference kal turin member-te an insawm a, kal tumte chuan Sect. Secy Pu PC Lalawmawia hnenah hming pek tur a ni e.
- ☐ Section huam chhunga Hmasawna hna thawk mekte th̄a taka thawk turin an ngen a, a tul dan ang zela enzui an tum bawk.

**✠ Kan Then Tak ✠****LALROSIAMI**

Pa hming-Lungmuana (L) Nuhming Chhingpuii (L) section-Taitesena, Kohhran-Presbyterian. Kum 1973 khan Shillong-ah a lo piang a, pianpui unau hmeichhia 3 a nei. Rosiami hi a nu leh pate'n a naupanlain an boralsan a, chhungte bel turin Aizawl lamah a rawn chho a. Kum 2005 khan TNT Zuangtui lamah rawngbawlin a awm a, a hriselna th̄at taw loh vangin kum 2011 khan Damdawi Ina enkawl turin a chhuak a, hemi kum vek November thla hian Chhul cancer a ni tih hmuh chhuah a ni. Heta tang hian a natna hian a kiansan ta meuh lo a, zual lam a pan zelin ni 21.9.2013 (Inrinni) khan a boral.

**JOHNY LALSANGLIANA**

Pa hming-Laithangpuia (L), nu hming-Zaikungi, section-Neuva, Kohhran-Presbyterian. Ni 9.2.1976-ah a piang a, pianpui mipa 2 a nei. Zina lamah tuang taka PU thleng a zir lain kum 2007 khan Hyderabad-ah Surveyor training-in a kal a, he hna hi a thih ni thleng hian a thawk. Kum 2007-ah Vanlalzawni nen innein, fanu leh fapa an nei. Kumin July thla a tanga khan BP sang lutuk vanga thluaka thisen zam chat vangin Aizawl Hospital-ah dah luh a ni a, ziaawm lam a pan thei meuh lova, Civil Hospital-ah te dah luh leh a ni a, Ni 24.9.2013 (Thawhle) chhun dar 12 vel khan chatuan ram a pan ta a ni.

**C BIAKKHUMA**

Pa hming-Thangchungnunga, nu hming-Tialtinthluaii, section-Neuva, Kohhran-UPC (Mz). Kum 1945-ah Khuanglengah a piang a, pianpui mipa 5 leh hmeichhia 4 a nei. Lalnunnemi nen innein fa 9 an nei. Anmahni kohhranah rawngbawltu th̄a tak a ni. Kum 2013 June thla a tanga khan Cancer a nei tih hmuhchhuah a ni a, a natna hian zual lam pan zelin Ni 24.9.2013 khan a boral.



**CWSC**

- ❑ Mizoram Premier League (MPL) chu October ni 3 aţang hian ţan a ni dawn ta a, October ni 4 (Zirtawp) chawhnu dar 2:30-ah Chanmari FC nen an inkhel dawn a, veng mipuite ţawiawmna an ngen tak meuh a ni.
- ❑ Fans-te hak turin Club Jersey siamtir mek a ni a, tunkar chho hian lei theih tura buatsaih a ni. Club T-shirt pawh Pu Lalliansanga (Malala, K-sect) hnenah lei tur a la awm e.
- ❑ PPP Mode (Bawlhhlawh paih man) chu veng chhungah khawn mek a ni a, chhungtinte ngai pawimawh a lo pe ţheuh turin an ngen.
- ❑ Hruaitute thawhlawm ip a la lut kim lo va, a ranglama thawh ţheuh turin an inhriattir.

**LOCAL COUNCIL**

Chhungtinte bawlhhlawh paihna hmun dik taka paih a, bawlhhlawh paih man Sporting Club-in an khawn mek chu ţha taka pe turin an ngen.

**CWSC VOLLEYBALL**

- ❑ TNT-a Volleyball Inkhawmpui lianah Semi Final thlengin; 3-0 in 3rd Bn MAP an hneh lova, tournament chhunga ţawiawm ţhaintute chungah lawmthu an sawi.
- ❑ Player-te hruai nana motor thawhtu Pu Ţhaliana (K-sect) chungah lawmthu an sawi.
- ❑ Player-te chawl mai lova ţan la sauh sauh turin an chah.

**ZOFA**

- ❑ Ni 26.9.2013 (Ninga) khan Vanapa Hall-a Mimkut hmannaah member 19 te chuan Sarlamkai ţha takin an entir.
- ❑ Ni 28.9.2013 (Inrinni) chawhnu khan Beraw Tlang-ah Mizo hnam lam chi hrang hrang entirin hun pawimawh tak an nei.
- ❑ Ni 28.9.2013 (inrinni) zan dar 8:30 khan Tourist Lodge-a VVIP prog-ah Buhzaaih Cheraw an entir.
- ❑ Member inpe thar an awm zel a, a duh apiang tan Club Secy Pu Lalbiakhlua (Hlutea) hnenah inpek theih reng a ni a, member thar lam thiam duh tan hun remchang hmasa berah lam zirna hun hawn leh an tum.
- ❑ Club member Mipa te tan Darbu zirna hun an hawng dawn a, Ni 1.10.2013 (Thawhle) zan hian an zir tan ang.

**MERGE COMPUTER CENTRE**

## Course Offered

- (1) Software Course (2) Hardware Course (3) Video Editing. (4) Tally. (5) Visual Basic

Free Internet Course & Guide book

Gov't Approved & Member Institution of MCIOA  
Opp. RD Office, Chanmari.  
Aizawl. Ph. 9862358347 / 9774569327

**CHHIAH TAWH CHUNGA LAWMTHU SAWINA**

Dt. 20th September, 2013 (Zirtawpni)-a Chanmari West-a kan In chim min senghawipui a, lanpui hna min thawhsaktu tlawmngai pawl hrang hrang te, veng chhung mipuite leh a lul ang apiang a min lanpui tute chungah tih tak zetin lawmthu kan sawi a ni. In mi khawngaihna leh lanpuinaah Lalpan a let tam takin rul let che u rawh se.

In khawngaihna dawngtu,  
R. Rosanga te chung  
Tuikual South, Aizawl

(Phel hnihnaah article zawmna..)

taka entu hnuaiyah kan player-ten hma an sawn nasa em em.

Coach-in skill mai bakah fitness a pawimawh a ni tih hriain a hruai a, tunah hian Team fitness tha ber kan nih loh chuan a pahnhna tal kan ni ang. MPL atanga tlak loh hram tumin rilru kan siam hman a, tunah chuan champion an sawi ri uaih uaih tawh mai. Tin, player-te hi hruaitu bakah mi tlawmngaiten inah kan mikhual darh a, thlen ina inthlahrun chu sawi loh nuam an ti ve em em a, awm dan chintawkan thiam lo ang tih kan hlau lek lek zawk thin.

Awle, tunah hian kan vengin mimal lama India aiawh phak arm wrestler Juliet Lalengkimi 'V', muaythai-a India tan Vietnam-a kal mai tur David Lalzamlova 'N' te kan nei. Mizorama football inelna sang ber khel turin kan inbuatsaih mek a, volleyball lamah division sang berah kan awm mek a, hruaitu thenkhatte phei chu an hah em em.

Sports lama tui em em vang pawh ni loin veng hmangaihna atanga hetiangah thawk ta vakte pawh an ni. Tunah hian Chanmari West Sporting Club chuan team game pahnih football leh volleyball-ah Mizorama division sang ber ve ve kan ni a, hei hi veng mipuite tanrualna zar liau liau a ni tih CWSC hian a hrechiang em em a ni.

Kan hruaitu thenkhat football, volleyball leh sports lama history nei chhe zet zet tam tak hian sports an lawm em em vanga thawk chhuak an ni lo tih hi ka hmu Chiang khawp mai. Ama insawi dan takah, nupuite thawhchhuah ringa khawsa ve mai Pu Ramhluna bakah volleyball lama Mizorama kan veng min tar lang tute Pu C Lalthanzuala leh an nautu ho leh kan hruaitu tamtak hian hah mai lo chu hlawkna an hmu tlem hle tih hmuchiangu kan ni. Amaherawhchu, hah hle mah se hma la tura hnuk tlattu an nei, chu chu he Chanmari West Veng hmangaihna mai te hi a ni.

**ELEOS**

**HOSTEL AND TUITION CENTRE**  
*Ramhlun Venglai, Aizawl*

**Night Hostel leh Hostel Panggai nuam leh thawveng tak October 2013 atangin hawn a ni dawn ta e. Board Exam turte tan experience teacher rawn tur an awm reng bawk.**  
*(Zantin Mathematics Tuition a free a pek an ni ang)*



*Machunga*  
Ph : 9774586023

**CHANGE A LO THLENG TAI!**

Battery leh Inverter Company hrang hrang Sukam, Exide, Amaron ah te hian Authorised Dealer kan ni a, Four Wheeler leh Two Wheeler Battery pawh kan nei reng e.

Tin, Electric hriam thut leh sang thut a i TV, Fridge, Xerox leh khaw dang alo him zawk theih nan Stabilizer tha rawn en ve rawh le.

Telephone Box leh EPABX (Intercom) thleng in kan nei bawk e.

**MIN RAWN PAN VE RAWH LE..!**

**S.R ENTERPRISE**

Motor Parts & Accesories

Vauivakawn, Chanmari 'W' peng

Contact: 8414096004/  
9615990920 / 8794422844

*Proprietor : Zohmangaiha*